


## TENDENSIA JERAL

### Total Insidentes Ne'ebé Relata



Analiza dadus hatudu katak husi distritu 13 tendensia konflitu husi fulan ba fulan laiha mudansa. Ne'e mak tendensia positivu tamba maske tempu besik tempu eleisaun, númeru insidentes lao hanesan nafatin. Maibe númeru insidentes ne'ebe iha ligasaun ho eleisaun mak 34.

Dadus hatudu katak husi distritu 13, Baucau (11), Viqueque (7) and Dili (5) iha risku boot liu ba konflitu kompara ho distritu seluk durante ronda 1 ba eleisaun prezidensial. Detalhus husi monitorizasaun ba insidente hotu tuir bele hetan iha:

[www.belun.crowdmap.com](http://www.belun.crowdmap.com)

## ELEISAUN PREZIDENSIAL RONDA PRIMEIRU

**Relasionadu Ho Atividade Kampaña Ba Ronde Primeiru ba Eleisaun Prezidensial Republika** tinan 2012-2017, situasaun jeral lao diak, dame no livre ba votante sira atu ejerse sira nia votus no direitu hodi hili kandidatura Prezidenti ne'ebé bele hare nasaun nia interese no sai hanesan povu nia lian atu husu hato'o ba Governu buat ne'ebé povu presiza. Kandidatura ba eleisaun Prezidensial foin lalais kompostu husi ema nain 13, maibé kandidatura proklamador Sr. Francisco Xavier fila hikas ba Aman Maromak nune'e kandidatura 12 mak kompete iha eleisaun. Iha dia 26 de Marsu 2012, Tribunal Rekursu aprova rezultadu eleisaun katak kandidatura Sr. Francisco Guterres "Lú-Olo" mak hetan votus validus barak liu ne'ebé ho total votus 133.635 (28.76%) entertantu kandidatura Sr. Taur Matan Ruak hetan votus validus hamutuk 119.462 (25.71 %). Maske nune'e laiha kandidatura ida mak hetan votus validu to'o'o 50 %+1. Tanba ne'e Tribunal Rekursu foti disizaun hodi kandidatura rua ne'e avansa ba eleisaun segunda ronda, tanba kandidatura nain rua ne'e mak hetan votus maioria kompara ho kandidatus sira seluk.

Maské eleisaun enjeral lao ho diak, observasaun hatudu katak bainhira ema barak la asesu informasaun konaba lei eleitoral, signifika ema mos lahatene saida mak bele halo no sadia mak labele halo hodi partisipa iha festa demokrasi. Ne'e hatudu husi rezultadu monitorizasaun katak iha insidente 34 ne'ebé akontese durante hahu kampaña no depois rona rezultadu eleisaun premeiru ronda.

Husi total insidente tolu nulu resin haat (34) ne'ebe liga ba eleisaun no akontese durante kampaña, eleisaun no depois de eleisaun, maioria insidente Polisia halo asaun kedas hodi halo prosesu investigsaun no haruka ba Ministeriu Publiku, Maibé bainhira relatorio ne'e fô sai laiha insidente ida to'o'o agora ne'ebé halo ona prosesu justisa atu hatene semak sai haesan autor no vitima.



## REVISTA SITUASAUN: Marsu 2012

### ANTES ELEISAUN

**Iha insidentes 8 (Ualu) ligasaun ho les ou estraga spanduk no poster kandidatura Prezidenti:** Poster ou spanduk husi kandidatura Prezidenti Sr. Taur Matan Ruak nian ne'ebé apoiantes husi kandidatura seluk les akontese iha Baucau Vila (2), Vemasse, Baucau (2), Ossu, Viqueque (2), Uatulari, Viqueque (1) Nunemos poster husi kandidatura Prezidenti Sr. Abilio Araujo mos hetan les iha Sudistritu Ossu; Hanesan mos poster husi kandidatura Prezidenti Sr. Fernando "La Sáma" apoiante seluk les iha Subdistritu Maliana, Bobonaro.

**Insidentes violensia ne'ebé akontese antes eleisaun**

Insidentes 2 rezulta ema kanek ne'ebé akontese iha dia 15 de Marsu 2012, iha Suku Garuai,	Les Spanduk ka Poster	8
	Ameasa ho Liafuan	5
	Asalta Fiziku	3
	Grupú baku ema ida	2
	Rezultadu ema kanek	8
	<b>Total Numeru Insidentes</b>	<b>18</b>

Subdistrtu Baucau Vila, grupu balu tuda apoiante husi kandidatura Sr. Francisco Guterres "Lú-Olo" ne'ebé ho kareta atu ba Viqueque tuir votasaun iha sira nia suku. Iha dia 11 de Marsu 2012, iha Suku Makadiki, Subdistritu Uatulari, akontese grupu deskuñesidu tuda apoiante kandidatu Sr. Taur Matan Ruak iha kareta laran ne'ebé fila husi kampaña iha Viqueque. Insidentes 3 (tolu) la rezulta ema kanek ne'ebé akontese iha Subdistrtu Baucau Vila Polisia Tas Force baku apoiante kandidatura Prezidenti Sr. Taur Matan Ruak, tanba taka dalan estrada publiku. Subdistritu Pante Makasar, Distritu Enclave Oecusse, tuda malu ho masa aqua entre militantes partidu Fretilin. Tanba

simpatizantes ne'ebé partisipa iha kampaña lasatisfas ho ekipa susesu ne'ebé ladun prepara logistik naton. Iha Subdistritu Suai Vila, Distritu Covalima akontese inisidente 2 (rua) konaba hateten malu ho lia fuan tolok entre apoiante kandidatura Prezidente Sr. Taur Matan Ruak ho Sr. Fernando "La Sáma". Nunemos Subdistritu Cristu Rei, Distritu Dili, militante ASDT ne'ebé halo hela seguransa ba Prezidente ASDT diskuti malu no halo blokeia taka metin odamatan ICU nian ba Sekretariu geral ASDT ne'ebé atu vizita Prezidente ASDT ne'ebé halo hela tratamentu mediku iha sala ICU Ospital Guido Valadares.

### LORON VOTASAUN - RONDA PRIMEIRU

**Insidente ne'ebé akontese iha tempu eleisaun relata hamutuk 7**

Hanesan iha Sentru votasaun eskola Presekundaria 30 de Agostu, Suku Comoro, Subdistritu Don Aleixo, votante mane ida diskuti malu ho Polling staff tanba la fó autorizasaun ba votante atu vota ho razaun uza kartaun eleitoral foto copy. Tempu hanesan fiskais sira ne'ebé halo observasaun mos diskuti malu ho polling saff. Kazu ne'e hetan resposta direta husi Diretór STAE no votante ejerse duni nia direitu hodi vota; Nunemos iha Sentru votasaun Eskola primaria no 2 Farol, fiskais husi partidu balu hakilar polling



staff, tanba atu hahu prosesu kontajem de votus udan mos mai, no polling staff sira muda urna ba iha fatin ne'ebé lakona udan hafoin halo kontajen. Iha Suku Vila Verde, Subdistritu Vera Cruz, mane nain rua baku malu tanba diferensia ideia ba apoiu kandidatura prezidenti. Nunemos akontese iha Subdistritu Suai Vila, Distritu Covalima ameasa malu entre apoiante husi kandidatura Sr. Fernando "La Sáma" no Sr. Taur Matan Ruak tanba halo predikasaun ba kandidatura ne'ebé avansa ba eleisaun segunda ronda.

### HAFOIN ELEISAUN - RONDA PRIMEIRU

**Iha insidentes 7 (hitu) ne'ebé akontese depois de eleisaun:** Iha Distrtu Baucau, Subdistritu Baucau Vila, akontese iha edifisio STAE Baucau bainhira prosesu apuramentu lao hela, derepente brigada husi STAE lori-tan urna(kaixa) tolu tama tan. Akontesementu ne'e fiskais husi Partidu FRETILIN hatama keiza ba Polisia Distritu Baucau. Preokupasaun ne'e iha dia 22 de Marsu, CNE hetan karta autorizasaun husi Tribunal Rekursu hodi loke kaixa boletin de votus hamutuk 21 mai

## REVISTA SITUASAUN: Marsu 2012

husu suku 9 ne'ebé deskunfia manipulasau. Maibé CNE loke hotu kaixa laiha problema ne'ebé iha; Iha Aldeia Anaulo, Suku Bahu, Subdistritu Baucau Vila, mane ida

Ameasa ho Liafuan	2	ho kareta para hodi tolok Xefe Suku
Tuda malu entre grupu	1	Triloka no ameasa katak bainhira eleisaun segunda
Grup u baku ema ida	1	ronda Kandidatura Prezidenti Sr. Taur
Asalta Fiziku	1	Matan Ruak la manan iha suku ne'e imi labele ba Baucau;
Estraga Propriedade	3	
Rezultadu ema kanek	1	
<b>Total Insidentes</b>	<b>9</b>	

Iha Aldeia Roulo, Suku Bahu, mane nain 1 (ida) baku joven mane nain 3 ne'ebé servisu iha kompanha Nagarjo to'o hetan kanek. Wainhira insidentes akontese iha mos prezensa membru Polisia iha fatin akontesementu, maibé polisia la halo asaun kedas hodi hakalma no kaer suspeitu. Maibé depois de akontesementu akontese Polisia lori deit vitima ba polisia hodi presta deklarasaun; Iha Aldeia Aubaca, Suku Triloka, mane nain rua ho kareta para hodi satan mestri ida ho motor iha Estrada hodi baku. Hanesan mos iha Subdistrtu Laga, iha Aldeia Itadaho, Suku Tekinomata, provaka malu no tuda malu entre grupu apoiante husi Kandidatura Prezidenti Sr. Taur Matan Ruak ho Kandidatura Prezidenti Sr. Francisco "Lú-Olo", wainhira rona rezultadu kontajem de votus. Nunemos iha Distrtu Viqueque, Subdistrtu Viqueque Vila, iha Aldeia Mamulak, Suku Caraubalo, akontese kazu 3 (tolu) iha uma (fatin) hanesan. Dahuluk iha dia 25 de Marsu ema deskuñesidu tau mina rai iha nutahan tau iha motor ida nia okos hodi fó impaktu ahi han tiha motor nia boraica iha pedal. Daruak iha dia 26 de Marsu 2012, derepent i tuku sia (9) dader ahi han tan uma nain nia kulisaun no kama iha kuartu laran no daet to'o kurtina

iha odamatan. Datoluk derepent iha tuku (10) sanulu kalan lilin ida lakan hela tau besik didin dapur nian halo ahi han tan au didin dapur nian ida. bainhira kazu dahuluk akontese Polisia to'o kedas halo seguransa no patrolia iha fatin refere, maibé derepente kuintinua mosu insidentes daruak no datoluk. Entertantu Polisia bolu ona uma nain no vizinhu balu hodi presta deklarasaun.

### INVOLVEMENTU AUTOR SEGURANSA IHA KONFLITU

Lei Eletoral ne'ebé obriga votante sira tenke ba vota iha idak-idak nia suku halo votante barak tenke lakon diretiu hodi vota, tanba deit laiha transporte. Tanba transposrte hamosu insidentes ne'ebé involve Polisia Maritima baku estudante iha dia 20 de Marsu 2012, iha Aldeia Sanane, Suku Costa, Subdistritu Pante Makasar, wainhira estudante sira ne'e ba tuir eleisaun iha Oecusse lahetan tiket ro'o ahi nian, no estudante sira obriga-an atu sae deit ro'o ahi ne'e ho razaun atu ba eskola. Parte seluk iha Aldeia Oplegul, Suku Holsa, Subdistritu Maliana, Distritu Bobonaru elementus F-FDTL Postu Tunibibi baku joven nain tolu, bainhira ba halo atusaun ba grupo deskuñesidu balu ne'ebé tuda kareta EDTL Sub-Distritu Maliana tanba deit ahi lakan mate. Atusaun ne'e tuir los halao husi Polisia laos husi F-FDTL.

### KONFLITU SELUK NE'EBÉ LA RELASIONADU HO ELEISAUN

**Violensia relasionadu entre Juventude:** Laiha mudansa boot komparasaun insidentes husi Janeiru-Marsu ( 14 - 11-11). Maibé kontajem númeru insidentes Janeiru-Marsu husi Distritu 13, Distritu ne'ebé insidentes sae mak Dili ( 4 - 7-8); Distritu ne'ebé hatudu rezultadu positivu iha Janeiru-Fevereiru maibé iha Marsu hatudu rezultadu ne'ebé ladun diak mak Liquica (0-0-2); Ermera (0-0-1). Distritu ne'ebé iha mudansa positivu uitoan mak Distritu Aileu (1-1-0). Ainaru (1- 2-0); Viqueque (4-1-0); Manufahi ( 3- 0-0); Bobonaru (1-0-0). Entertantu Distritu Manatutu no Oecusse Livre husi inisidente.

**Insidentes liga ho konsumu Tua Manas:** Insidentes liga ho konsumu tua manas ne'ebé jeralmente eziste iha komunidad no fó impaktu ba violensia iha mudansa signifikante husi Janeiru-Marsu (13-9-2.) Insidentes 2 (rua) ne'e akontese iha dia 16 de Marsu 2012, iha Aldeia Malere, Suku Malere, Subdistritu Aileu Vila , joven mane nain rua baku malu no la rezulta kanek. Entertantu insidentes ne'e familia husi parte rua resolve kedas no relasaun diak malu fali. Iha dia 12 de Marsu, iha Aldeia Legol, Suku Julu, Subdistritu Suai, akontese tuda no baku malu entre grupu juventude tanba hemu tua hamutuk lanu hafoin sira diskuti malu. Impaktu husi insidentes ne'e komunidad nia uma balu hetan estraga. Maske nune'e Xefe Suku resolve kedas kazu ne'e, no grupu ne'ebé halo problema konkorda atu selu fali vidru sira ne'ebé rahun.

**Arte Marsiais:** Analiza dadus antes no depois de desizaun Conselho Ministru fó suspensaun ba grupu arte marsiais ne'ebé halo problema periodu Outubru-Dezemburu 2011 (4-3-6-1); Janeiru-Marsu 2012 (2-3-1) rezultadu ne'e hatudu mudansa positivu uitoan maske nafatin akontese insidente kiik ida deit entre membrus grupu arte marsiais (la hatais farda) maibé nia esklasaun la dun fó impaktu. Entertantu maské prosesu formal atu hatene autor ne'ebé involve lao kleur, Polisia kontinua hatudu progresu positivu ba halo prosesu investigasaun ba autor ne'ebé involve iha insidente pasadu (Out - Dez '11). Insidente balun husi hirak ne'e inklui mos elementus PNTL balu mós no Polisia halo

## REVISTA SITUASAUN: Marsu 2012

investigasaun hela. Nunemos konfrontasaun iha 2011 hanesan iha Zumalai (Covalima), Komandante Servisu Investigasaun Crimi (SIC) relata katak sei falta autor nain (ualu) maka ate agora seidauk hatene nia paraderu iha ne'ebé.

### KONFLITU LAOS ELEITORAL

**Disputa Rai:** Konfliktu entre comunidade konaba direitu atu sai nain ba rai fó impaktu sai to'o ema mate hanesan akontese iha dia 30 de Marsu 2012, iha Aldeia Ermeti, Suku Fatisi, Subdistritu Lulara, Distritu Aileu, mane nain 2 (rua) ta'a mate ferik 1 (ida) tanba hadau malu rai. Mane nain rua ne'e Polisia kaer kedas suspeitu hodi ihalo investigasaun. Impaktu ne'eb'e rezultadu ema kanek akontese iha Aldeia Clac Fui, Suku Becora, Subdistritu Cristu Rei. Entertantu insidente ne'e seidauk iha resposta husi parte ruma. Iha Aldeia Raenaba, Suku Gugleur, Subdistritu Maubara, Distritu Liquica, membro familia nain rua hadau malu rai baliza, maibé la rezulta ema kanek. Preokupasaun ne'e Parlamentu Nasionál aprova ona Lei konba Rai no haruka ba Prezidenti hodi promuga. Maibé Prezidente Repúblika la halo promulga no husu Parlamentu Nasionál atu imenda. Ho razaun lei ne'e la fó benefisia ba povu.

**Konfliktu entre estudante ho Edukador:** Iha mudansa uitoan konfliktu entre estudante no professor iha fulan Feveireiru-Marsu (husi 5 tun ba 2). Iha Aldeia Makadai, Suku Bahu, Subdistritu Baucau Vila, akontese alunus mane ida tuda rahun vidru eskola no diskuti malu ho Diretór Eskola Sekundaria Katolik Baucau. Tanba alunus mane ne'e falta eskola loron 3, Diretór eskola bolu inan aman husi alunus hasoru Diretór Eskola. Bainhira Inan aman to'o iha eskola durante oras tolu resin, Diretór eskola la atende inan aman husi alunus ne'e. Bainhira insidente akontese, alunus mane ne'e halai lakon, no polisia kuintina halo prosesu investigasaun no buka alunus refere. Hanesan mos iha

Subdistritu Alas, Distritu Manufahi inan aman husi alunus estori malu ho professor iha eskola, tanba estudantes balu la tuir regras eskola nian professor sira hirus alunus sira no tolok mos Inan aman alunus sira nian. Impaktu professor ida abandona hela Escola quase besik fulan ida ona. Insidentes ne'e Direktór Eskola rasik seidauk resolve.

**Krimi Seluk:** Iha insidentes 3 (tolu) ne'ebé involve ema deskuñesidu hal asaltu hanesan: iha Subdistritu Suai vila (Covalima) iha dia 5 de Marsu 2012, iha Aldeia Tabaco Lot, Suku Debos, ema deskuñesidu tuda kareta staff Timorgep ne'ebé halo survey iha tasi suai bainhira fila ba fatin diskansa. Nunemos nafatin iha Aldeia Tabaco, Suku debos, iha dia 14 de Marsu 2012, ema diskuinesidu nain rua sona joven ida nia sorin to'o kanek. wainhira: joven mane ne'e fila ba nia uma to'o iha dalan mak ema ne'e halo asalta. Iha data 2 de Marsu 2012, iha Aldeia Darumudapu, Suku Maumeta, Subdistritu Bazartete, Distritu Liquica akontese insidentes joven mane ida koko atu halo asalta ho joven fetu, maibé lakonsege tanba fetu ne'e halai hodi salva-an. Distritu Dili, Iha Aldeia 30 de Agostu, Suku Comoro, Subdistritu Don Aleixo, baku malu entre vendedor fetu 1 no konsumudor fetu 1 rezulta kanek hotu. Polisia halo atusaun no dame malu kedas. Nomos iha insidentes 2 rua ligsau ho selingkuh ne'ebé akontese iha Iha Aldeia 30 de Agostu, Suku Comoro; iha Aldeia 4 de Setembru, Suku Santa Cruz, no iha Aldeia Bedois, Suku Lahane Ocidental. Iha Aldeia Kledik, Suku Fatukahi, Subdistritu Fatuberlihu, Distritu Manufahi, akontese ema deskuñesidu naok Tenaga Surya iha Sede do Suku Fatukahi. Impaktu husi kazu ne'e Komunitade la bele asesu ba informasaun liu husi Televisaun ne'ebé loke iha Suku. Iha Aldeia Benunuk, Suku Duyun, Subdistritu Metinaru, trata no insulta malu entre be'e nain no ema ne'ebé ba kuru be'e impaktu husi insidentes ne'e be'e nain bandu labele ba kuru be'e.

### RESPONDE BA KONFLITU



**Eventu Nasionál Harii Dame:** NGO FORUM (FONGTIL) fasilita Dialogu aberta entre siasidade sivil no Kandidatura Prezidenti Sr. Farnsisco Guterres "Lú-Olo" no Sr. Taur Matan Ruak ho objektivu atu siasidade sivil atu bele hatene klean liutan vizaun kandidatura rua ne'e. Nune'e mos Kandidatura Prezidenti Sr. Taur Matan Ruak no Sr. Francisco Guterres "Lú-Olo" hato'o mensajen atu garante seguransa iha tempu kampaña segundu ronda.

### REVISAUN KONA-BA SITUASAUN NE'E

Revisaun situasaun ne'e relata kona-ba asuntu xave relasiona ho insidentes violensia no tendensia husi koleksaun data emerzencia liu husi sistema Early Warning, Early Response (EWER)-Timor-Leste. Belun efsorsu atu fahe informasaun ne'ebé up-to-date no serteza. Hanoin katak situasaun bele hetan mudansa ho lalais, ami agradese no simu informasaun seluk ne'ebé bele klarifika ka update data ne'ebé ami iha liu husi EWER. Favor email EWER nia Program Manager Blyah Da Costa: [blyah.belun@gmail.com](mailto:blyah.belun@gmail.com). Imajen © Jennifer Hill,